

2653

H O M I L E T I C I.

2654

Camaldulensi viro utique eruditissimo confundunt. Id uauum me retrahit, quin aperte sententiam feram: initium Sermonum a *Quetifo* pro *Antonio Azario Parmensi* O. P. allatorum non conspirare cum eo, quod supra dedi; ut enim utrobique idem sit thema: *Cum appropinquasset* &c. in exemplo tamen *Quetifi* sequitur: *Tempus, quod hodie incipit et durat usque ad adventum Domini* &c. Unde saltem constat, Sermones illos non esse eosdem ac nostros. Ad horum calcem legitur, ut dixi: *Anthonijs Parmensis*. Et post: *Finis adest operis — Anno Domini M^o CCCC^o LII^o sabato post Mauricij et sociorum eius hora 7ma*. Confer Cod. DCXCVI.

DCXCV.

241

Codex chartaceus lat. Sec. XV. Folior. 316. f. absque inscriptione continet *F. Jordani Quedlinburgensis* dicti *de Saxonia* O. FF. Eremit. S. Aug. lectoris in conventu *Magdeburgensi*, Scriptoris Sec. XIV. *Postilla in Evangelia dominicalia*, et quidem a II. *Parte III. Partis* usque ad finem. Est vero Opus uniuersum diuisum in IV. *Partes*, quarum I. ab Adventu ad Dom. I. post Octav. Epiphaniae. II. ad Passionis Dominicam. III. ad Octav. Pentecostes. IV. ad Adventum pertingit, ut patet ex editione *Argentinenfi* 1483. f. Itaque Codex noster aliquanto minus dimidio complectitur. Initium ejus est: *Expedita prima parte tercię partis que fuit de christi pas-*

sione sequitur secunda pars eiusdem que tractat de eius resurrectione &c. Ex hoc prooemio de Autoris aetate statui potest; ait enim: *venerabilem magistrum meum, sub quo, quidquid scire videar, in magna parte studendo profeci, qui tam in lectoratu quam baculariatu, quam etiam magisterio suo adepto precipuus doctor meus extitit, magistrum videlicet Albertum de padua recolende memorie in postillando hactenus secutus fueram* &c. Atqui *Albertus* hic annum 1323. vel 28. extremum habuit. Vide *Offingeri Bibl. August.* p. 668. qui p. 800. inter *Jordani* magistros etiam *Albertum* nominare debuisset, ut ex dictis patet. *Pars IV.* in Cod. nostro finitur: *Quo nos perducere dignetur deus deorum Qui uiuit et regnat per infinita secula seculorum Amen*. Subscriptio miniata: *Explicit secunda* (si de Tomo intelligas) *Pars Jordani per Estatem Scriptum et completum per me Conradum Brampach de Erffordia tunc temporis moram trabentem cum honorabili viro domino Conrado Huter perpetuo vicario in Ebenheim superiori (in Alsatia infer.) Sub anno domini Millesimo Quadringentesimo quinquagesimo quarto ipso die sancti Florencij Episcopi Argentinen-*

DCXCVI.

Codex chartaceus lat. Sec. ²⁶² XV. Folior. 106. f. corrente calamo per duas columnas exaratus continet: I. *Postilla in Evangelia Dominicarum totius Anni* incipiendo a Dom. I. *Adventus* usque ad

K 2

ad

2655

C O D I C E S

2656

ad Dom. 25. post Pentecosten. Sermo I. incipit: *Cum appropinquaret ihesus Ierosolimam &c. M'. XXI. Tempus quod bodie incipit et durat usque ad natiuitatem domini &c. De Evangelio Dom. 25. post Pent. in fine breuiter notatur, legi illud bis in anno, hac scilicet Dom. et Dom. 4. Quadrag. Id, quod etiam in Missalibus ante Tridentinam restitutionem impressis observes. Repetitionis rationem reddit Noster, quia in eo Evang. et dicitur: *Erat autem proximum Pascha, et: Quia hic est vere Propheta, qui venturus est in mundum. Autor ergo Antonius O. P. Vide Cod. DCXCIV.**

II. fol. 98. Absque titulo Opusculum *Asceticum* in illud: *Misit rex Saul apparitores, ut caperent David. I. Reg. 19. Saul diabolus est, David peccator, Apparitorum officio funguntur septem Peccata vulgo capitalia. Ad ludum equestrem induci te putes, ita Ἀγωνοεχης noster arenam ornat. En Superbiam, que sedet super dromedarium armata armis aureis ducens super galeam pauonem in clipeo aquilam in tunica leonem in manu gladium latum. Et ita Apparitores ceteri. Sed Deus totidem iis Virtutes objicit. Dabo Castitatem, que procedit contra luxuriam et sedet in unicorni et habet in galea fertum ex lilijs candidis croceis viridis et ducit in clipeo annulum depictum in tunica lupum &c. Apparitor tertius e Cod. deperiit.*

III. fol. 106. Legenda brevis de S. *Udalrico* Episcopo *Augustano*. Incipit: *Legitur in legenda beati Udal. quod fuit ortus de stir-*

*pe comitum Dilingensium nomen patris Hubald matris vero Diperga ablatatus etiam fuit cum esset ebdomadatum XII. &c. Videtur excerpta ex prolixiore illa, quam sistunt Hagiographi Antwerp. ad diem 4. Jul. p. 97. post Surium et Mabillon. sed ultima duo Miracula addita sunt ex aliis Mss. quae pariter Viris illis ignota non fuere. Ad calcem: *Finis adest vere. pretium vult Scriptor habere.* Praetexta est Codici Membrana, in qua legitur *Diploma Urbani*, putem VI. quo iungitur Archiepiscopo *Salzeburgen*. ut *Johanni* — — ejus Dioeces. Presbytero provideatur de beneficio proxime vacaturo, cujus Patroni essent Abbas et Conuentus *Admontensis* O. S. B. in *Stiria*. Datum est *Janue* — — —.*

DCXCVII.

Codex chartaceus lat. Sec. 264 XV. Folior. nunc 317. f. curren- te calamo per duas columnas scriptus et Sec. XVI. ad *Wenceslaum Rossam* s. *Rossonem* Sacerdotem *Bobemicum* pertinens completitur: I. *Themata Sermonum sacrorum a Festo Ascensionis usque ad Dom. XXIII. post Pentecosten*. Initium: *Recumbentibus undecim discipulis M' ultimo. Legitur quod Aquila habet quatuor virtutes &c.*

II. fol. 26. sequitur *Libellus de Sex Gradibus penitentiae*, qui sunt *Contritio, Confessio, Jejunium, Oratio, Eleemosyna et Satisfactio*. Incipit: *Fecit Salomon thronum de ebore grandem qui habuit sex*